



Svečanost proglašenja najboljih takmičara Tuzamk-a

Proglašenje najboljih takmičara kluba za sezonu 2016, održano je u svečarskoj atmosferi prostorijama Galerije foto kino kluba Tuzla. Održavanje proglašenja u ovom prostoru posebno je imalo razlog jer je atmosferu svečanog proglašenja obogatila izložba fotografija Nade Mukić rano preminule članice Kluba i jedinstvenog autora fotografija iz auto sporta. U galeriji je bilo izloženo oko 80 fotografija od čega su većinu činile dokumentarne fotografije sa auto moto i karting takmičenja koje je Mukić Nada snimila za potrebe Tuzamk-a u periodu od 1998. do 2010. godine. Uz prisustvo znatnog broja članova ba kluba prisutnima se u ime domaćina foto kino kluba obratila Gabrijela Andrejaš producent Kluba koja je između ostalog posebno istakla značaj saradnje foto kino kluba i Tuzamk-a pogotovo što se Tuzamk registrovao i za djelatnosti kulture, te je ovo i prva aktivnost Tuzamk-a ove vrste. Otvarajući izložbu fotografija Nade Mukić Zlatko Dukić poznat tuzlanski novinar i publicista posebno je istakao : "Nade Mukić odnedavno, nažlost, nema više s nama. Pridružila se





beskrajnoj koloni dragih, poštovanih i voljenih osoba, koje su otiske iznenada i prerano i iza sebe ostavile teško prihvatljivu prazninu. Ali, večeras hoćemo da dokažemo da Nada nije posve otisla od nas. Izložbom njenih fotografija želimo pokazati da će s nama biti sve dotele dok je se sjećamo i dok – i uz pomoć njenih sportskih fotografija – potvrđujemo šta nam znači i koliko je cijenimo."

Nakon otvaranja izložbe upriličeno je tradicionalno proglašenje najboljih klupske takmičara. Priznanja takmičarima uručio je Mujčinović Nermin predsjednik kluba. Proglašeni su najbolji takmičari ocjenske vožnje spremnosti i pobednici Bingo karting kupa za 2016. godinu. Najboljim klupske takmičare za 2016. godinu proglašen je Nedim Atiković, dok je Nihad Atiković bio drugi. Sejfo Muhić zauzeo je treće mjesto.

Proglašavajući najbolje u Bingo karting kupu potrebno je posebno istaći da se Karting kup Bingo Tuzla 2016 sastao od šest karting trka i to tri koje su održane u Tuzli, te u Modrići i Brčkom. Revijalne karting trke su vožene u Živinicama i Banja Luci, a po ranijem dogovoru nisu uvrštene za bodovanje u generalnom plasmanu Karting kupa.

Vrijedno je napomenuti da su učešće u konkurencije u ovom kupu uzeli i Almir Bajrić, Aida Tučić i Anela Mujanović kojima su dodijeljene posebne medalje i diplome za učešće.

U prvoj klasi prvo mjesto osvojio je Dino Mujanović, dok je drugi bio Enis Soljankić. Treće mjesto zauzela je Erna Soljankić. U drugoj klasi suvereno je prva prošlogodišnja pobjednica Melina Tučić, dok je drugi Amir Ajdaslić, a treći Muhamed Bureković. Posebno priznanje za dosadašnje rezultate u karting sportu dodijeljeno je Almiru Bajriću. Sponzori ovogodišnjeg kupa su renomirana firma Bingo, Auto kuća



NIPEX, te Motorex kojima su uručene zahvalnice. Nakon proglašenja pobjednika i uručenja pehara, medalja i dip-

loma, organizator je organizovao druženje za sve nagrađena i goste manifestacije.



Članovi karting sekcije sa rukovodiocem sekcije Ševalom Bajrićem i predstavnicima sponzora karting kupa

Svečano proglašenje pobjednika Šampionat BiH za 2016. godinu



Proglašenje pobjednika Šampionata Bosne i Hercegovine za 2016. godinu održano je u Mostaru u organizaciji Sportskog auto moto saveza BiH u svečanom salonu hotela Bristol. Uz prisustvo najvećeg dijela aktivista ovog sporta među pobjednicima našao se i naš Sejfo Muhić koji je već duži niz godina prvak u kategoriji invalida u ocjenskoj vožnji spretnosti ali i vice šampion u svojoj klasi. Pobjednik u klasi 2 šampionata BiH je i Nedim Atkiković koji nažalost iz opravdanih razloga nije bio prisutan na proglašenju. U ukupnom plasmanu klubova Tuzamk je zauzeo treće mjesto.

Održana svečana sjednica BIHAMK-a

Priznanja i za članove TUZAMK-a

Kao i svake godine i u ovoj BIHAMK je organizovao svečanu Skupštinu na kojoj su zaslужnim pojedincima i firmama uručena priznanja za poseban doprinos u ostvarivanju ciljeva i zadatka BIHAMK-a, ali i doprinos razvoju klubova u lokalnim sredinama.

Na osnovu prijedloga TUZAMK-a srebrnu značku dobio je dr. prof Franc Andrejaš koji je u dva mandata bio predsjednik Kluba i koji je dugogodišnji član BIHAMK-a. Poseban doprinos Franc Andrejaš dao je ostvarivanju kvalitetnijih odnosa BIHAMK i TUZAMK-a pogotovo

kada se radi o izgradnji poslovnog objekta ova dva Kluba. Obzirom na opravданo odsustvo Franca Andrejaša priznanje je u njegovo ime primio Nermin Mujčinović, predsjednik Kluba. Za poseban doprinos razvoju Tuzamk-srebrnu plaketu dobila je firma "Imel" iz Lukavca kao dugogodišnji, partner, saradnik i sponzor Kluba. priznanje je u ime "Imela" primio Čeliković Mevludin, direktor firme. Napomenimo i to da je priznanja srebrne značke uručio Božanović Ozren, izvršni direktor Kluba i član Upravnog odbora BIHAMK-a.



Sa svečane sjednice BIHAMK-a. S lijeva na desno : Nermin Mujčinović, predsjednik TUZAMK-a, Rasim Kadić, predsjednik BIHAMK-a, Ozren Božanović, izvršni direktor TUZAMK-a i Mevludin Čeliković, direktor "Imel"-a

PRESS RELEASE UDRUŽENJA GRAĐANA TUZAMK TUZLA. TEKSTOVE I
FOTOGRAFIJE URADILI ČLANOVI SEKCIIJ UDRUŽENJA.
ŠTAMPA : SOREL TUZLA